

VISOKA ŠKOLA „LOGOS CENTAR“ U MOSTARU



**PROCEDURA ZA IZMJENU I DOPUNU
STUDIJSKOG PROGRAMA**

Mostar, listopad 2014. godine

Na osnovu članka 54. Zakona o visokom obrazovanju Hercegovačko-neretvanske županije i članka 45. Statuta Visoke škole „Logos centar“ u Mostaru, Senat Visoke škole „Logos centar“ u Mostaru je na sjednici održanoj dana 04.10.2014. godine **donio** je

PROCEDURU ZA IZMJENU I DOPUNU STUDIJSKOG PROGRAMA

DIO I - UVOD

Procedurom za izmjenu i dopunu studijskog programa na Visokoj školi „Logos centar“ u Mostaru (u daljem tekstu Procedura) pobliže se uređuje sustav odgovornosti prilikom izmjene i dopune studijskog programa na Visokoj školi „Logos centar“ u Mostaru (u daljem tekstu Visoka škola).

Procedura obuhvaća:

- manje izmjene i dopune postojećeg studijskog programa i postupak manjih izmjena i dopuna (do 20%),
- veće izmjene i dopune postojećeg studijskog programa i postupak većih izmjena i dopuna (promjene studijskog programa veće od 20%, i manje od 40%), i
- suštinske izmjene i dopune postojećeg studijskog programa (promjene studijskog programa veće od 40%).

DIO II – MANJE IZMJENE I DOPUNE POSTOJEĆEG STUDIJSKOG PROGRAMA (do 20%) NA VISOKOJ ŠKOLI

Manje izmjene i dopune postojećeg studijskog programa odnose se na sadržajne promjene programa do 20% koje ne mijenjaju bitno studijski program, ishode učenja i kvalifikacije studenata (stručni profil); odnosno 80% od ukupnog broja ECTS bodova i ishoda učenja cjelokupnog programa neće biti promjenjeni.

U manje izmjene programa spadaju:

- promjena naziva studijskog programa bez promjene kvalifikacije,
- promjena semestra u kojem se predmet izvodi,
- razdvajanje jednog dvosemestralnog u dva jednosemestralna predmeta,
- spajanje dva jednosemestralna u jedan dvosemestralni predmet (uz valjano obrazloženje budući da dvosemestralni predmeti predstavljaju prepreku mobilnosti studenta),
- preraspodjela ECTS bodova (opterećenje studenata različitim vrstama obveza) unutar ukupnog broja u okviru nekog predmeta,
- preraspodjela broja nastavnih sati za različite oblike nastave u okviru broja sati predviđenih za predmet,
- promjene obaveza studenata i načina vrednovanja postignuća ishoda učenja,
- poboljšanje zapisa ishoda učenja pojedinih predmeta i ishoda učenja na nivou programa bez suštinskih izmjena u njihovom značenju.

U manje izmjene i dopune studijskog programa koje znače sadržajne promjene programa do 20% cijelog studijskog programa spadaju:

- uvođenje novih predmeta ili ukidanje postojećih,

- izmjene i dopune sadržaja pojedinih predmeta (kada se ne radi o osuvremenjivanju predmeta),
- promjene broja ECTS-a,
- promjena obveznog predmeta u izborni i obrnuto,
- zamjena postojećih izbornih predmeta novim izbornim predmetima,
- te druge manje promjene sadržaja studijskog programa.

Redovno osuvremenjivanje predmeta koje se odnose na poboljšanje nastavnih metoda, praćenje suvremenije literature i uspjeha studenata te usklađivanje sadržaja sa suvremenim spoznajama (izmjene i dopune do 10% postojećeg studijskog programa), ne smatraju se znatnijim promjenama studijskog programa već predstavljaju dio osiguranja kvalitete.

Postupak izmjene i dopune (promjene do 20% studijskog programa)

Interni postupak izmjene i dopune postojećeg studijskog programa promjene do 20% mogu pokrenuti nastavnici i suradnici na studijskom programu, Nastavno-naučno vijeće organizacione jedinice, Senat Visoke škole i studenti na datom studijskom programu putem zahtjeva za izmjenu i dopunu studijskog programa.

Zahtjev se upućuje dekanatu organizacione jedinice na kojoj se studijski program izvodi.

Prijedlog odluke o manjim izmjenama i dopunama studijskoga programa koje se odnose na promjene programa do 20% u odnosu na odobreni sadržaj programa donosi nastavno-naučno vijeće organizacione jedinice na kojoj se studijski program izvodi.

Prijedlog odluke i uredno popunjen prateći obrazac broj 2 se dostavljaju Senatu Visoke škole, te Senat Visoke škole donosi konačnu odluku.

Odluke koje se odnose na manje izmjene i dopune studijskoga programa za 1. godinu studija moraju biti donesene i objavljene prije raspisivanja konkursa/natječaja za upis. Odluke koje se donose u toku akademske godine počinju se najranije primjenjivati u slijedećoj akademskoj godini.

Nakon donošenja odluke o manjim izmjenama i dopunama studijskog programa (do 20%) Direktor podnosi zahtjev nadležnom Ministarstvu i Agenciji za razvoj visokog obrazovanja i osiguranje kvaliteta Bosne i Hercegovine za omogućavanje unosa izmjena i dopuna studijskog programa u njihove registre i evidencije. Uz zahtjev se prilaže odluka Senata.

Zahtjev za izmjenom i dopunom istog studijskog programa podnosilac ima pravo ponovo podnijeti najranije u roku od godinu dana od dana donošenja odluke o formiranju novog studijskog programa ili odluke o izmjeni i dopuni studijskog programa.

DIO III – VEĆE IZMJENE I DOPUNE POSTOJEĆEG STUDIJSKOG PROGRAMA (veće od 20%, a manje od 40%) NA VISOKOJ ŠKOLI

Veće izmjene i dopune studijskog programa (veće od 20%, a manje od 40%) odnose se na izmjene i dopune studijskih programa kojima se u znatnijoj mjeri mijenjaju obavezni predmeti, završni ishodi učenja studenata i njihove kvalifikacije.

Prilikom ovakve izmjene i dopune studijskog programa u ukupnom iznosu od 60% ECTS bodova cjelokupnog programa, ne smiju biti promijenjeni s obzirom na broj ECTS bodova, ishode učenja studijskog programa i kvalifikacije studenata.

Postupak izmjene i dopune (promjene veće od 20%, a manje od 40%)

Interni postupak izmjene i dopune postojećeg studijskog programa promjene do (veće od 20%, a manje od 40%) mogu pokrenuti nastavnici i suradnici na studijskom programu, Senat i studenti na datom studijskom programu.

Zahtjev za veće izmjene i dopune studijskog programa se upućuje direktoru i Senatu. Na narednoj redovnoj Senata se raspravlja o opravdanosti ovog zahtjeva.

Ukoliko Senat smatra zahtjev opravdanim, formira se komisija za izmjene i dopune studijskog programa.

U komisiji za izmjene i dopune studijskog programa obavezno trebaju biti predstavnik studenata sa studijskog programa, alumni predstavnik, predstavnik strukovnih firmi ili tržišta rada, predstavnici akademskog osoblja i menadžmenta Visoke škole.

U svom radu komisija za izmjene i dopune studijskog programa obavezno popunjava obrasce koji se nalaze u prilogu ove Procedure i čine njen sastavni dio (Obrazac 1 – Opis izmjena i dopuna studijskog programa i Obrazac 2 – Sadržajna analiza).

Odluke koje se odnose na veće izmjene i dopune studijskog programa za 1. godinu studija moraju biti donesene i objavljene prije raspisivanja natječaja za upis. Odluke koje se donose tokom akademske godine počinju se primjenjivati najranije u narednoj akademskoj godini.

Nakon donošenja konačne odluke o većim izmjenama i dopunama studijskog programa Direktor podnosi zahtjev nadležnom Ministarstvu i Agenciji za razvoj visokog obrazovanja i osiguranje kvaliteta za omogućavanje unosa izmjena i dopuna studijskog programa u njihove registre i evidencije, zajedno s priloženom dokumentacijom i Odlukom Senata.

Zahtjev za izmjenom i dopunom istog studijskog programa podnosilac ima pravo ponovo podnijeti najranije u roku od godinu dana od dana donošenja odluke o formiranju novog studijskog programa ili odluke o izmjeni i dopuni studijskog programa.

DIO IV – SUŠTINSKE IZMJENE I DOPUNE POSTOJEĆEG STUDIJSKOG PROGRAMA (promjene veće od 40%) NA VISOKOJ ŠKOLI

Suštinske izmjene i dopune studijskog programa (promjene veće od 40%) su one koje bitno mijenjaju studijski program, stoga se smatraju zahtjevom za usvajanje novog studijskog programa, te se primjenjuje Procedura za usvajanje novog studijskog programa na Visokoj školi „Logos centar“ u Mostaru.

Prilozi:

- Obrazac 1 – Opis izmjena i dopuna studijskih programa
- Obrazac 2 – Sadržajna analiza predloženih većih izmjena i dopuna postojećeg studijskog programa

**PREDSJEDNIK SENATA
VISOKE ŠKOLE „LOGOS CENTAR“ U MOSTARU**

Katica Deljak